

故宮博物院藏

四庫

全書

撤出本

彙編

第十七冊

故宮博物院編

故宮出版社

第十七册 目錄

南北史合注卷一百十八—卷一百二十二 一

卷一百十八 三

卷一百十九 九五

卷一百二十 一七九

卷一百二十一 三一七

卷一百二十二 四二五

欽定四庫全書

史部

南北史合注卷百十八

第三

欽定四庫全書

南北史合注卷一百十八

明李清撰

北史三十二

祐 祐從子乾 昂 季式

曹允字伯恭渤海人漢太傅哀後父韜少以英朗知名同郡封懿雅相推敬仕燕慕容垂為太尉從事中郎道武平中山以為丞相參軍早卒允少孤夙成有奇度



以貪穢得罪惟允以清平獲賞府解還家教授受業者
千餘人四年與盧玄等俱被徵拜中拜博士遷侍郎與
太原張偉業以本官領衛大將軍安樂王範從事中郎
範太武寵弟西鎮長安允甚有匡益秦人稱之尋被徵
還樂平王丕西討上却復以本官參丕軍事以謀平涼
州勲賜爵汶陽子後奉詔領著作郎與司徒崔浩述成
國紀時浩集諸術士考校漢元以來日有薄蝕五星行
度并譏前史之失別為魏厯以示允允曰善言遠者必

先驗于近且漢元年冬十月五星聚于東井此乃厯術之淺今譏漢史而不覺此謬恐後譏今猶今譏古浩曰所謬云何允曰紫星傳金水二星常附日而行冬十月日旦在尾箕昏没于申南而東井方出于寅北二星何因背日而行是史官欲神其事不復推于理耳浩曰欲為變者何所不可君獨不疑三星之聚而怪二星之來允曰此不可空言爭宜更審之時坐者咸怪惟東宮少傅游雅曰高君長於厯數當不虛也後歲餘浩謂允曰

先所論者本不經心及更考究果如君語以前三月聚於東井非十月也又謂雅曰伯恭之術陽源之射也衆乃歎服允雖明于厯數初不推步有所論說惟游雅數以災異問允允曰昔人有言知之甚難既知復恐漏泄不如不知也天下妙理至多何遽問此雅乃止尋以本官為秦王翰傳後敕以經授景穆甚見禮待又詔允與侍郎公孫質李靈胡方回共定律令太武引允與論刑政甚稱旨因問允萬機何者為先時多禁封良田又京

師遊食衆允因曰臣少也賤所知惟田請言農事古人云方一里則田三頃七十畝方百里則田三萬七千頃若勸之則畝益三升不勸則畝損三升方百里損益之率為粟二百二十二萬斛况四海之廣乎若公私有儲雖遇飢年何憂帝善之遂除田禁悉以授民初崔浩薦冀定相幽并五州士數十人各起家為郡守景穆謂浩曰先召之人亦州郡選在職已久勤勞未答今可先補前召外任郡縣以新召者代為郎吏又守令宰人宜使

更事者浩固爭遣之允聞之謂東宮博士管恬曰崔公
其不免乎苟逞其非而校勝於上何以能濟遼東公翟
黑子有寵太武奉使并州受布千匹事發黑子問允主
上問我首乎諱乎允曰公惟幄寵臣答詔宜實中書侍
郎崔鑒公孫質等咸言宜諱黑子以鑒等為親已怒而
絕允不以實對終獲罪戮時著作令史閔湛郗擢性巧
佞為崔浩信待見浩所注詩書論語及易遂上疏言馬
鄭王賈不如浩之精微請收藏境內諸書班浩所注并

求勅浩注禮傳浩亦表薦湛有著述才湛等又勸浩刊
所撰國史于石以彰直筆允聞之謂著作郎宗欽曰閔
湛所營分寸之間恐為崔門萬世之禍吾徒無類矣未
幾難作

或譏允不言于崔浩而私謂宗欽然允長者也安肯
乘浩之死以自詡先覺言亦未可知恐未可以是尤
允

初浩被收允直中書省景穆召允留宿宮內翌日命驂

乘至宮門謂曰入當見至尊吾自導卿脫至尊有問但依吾言既入見景穆言允小心慎密且微賤制由於浩請赦之帝召允謂曰國書皆浩作否允曰太祖記前著作郎鄧彥海所撰先帝記及今記臣與浩同作然浩總裁而已至於注疏臣多于浩帝大怒曰此甚於浩安有生路景穆懼曰天威嚴重允小臣迷亂失次耳臣向備問皆云浩作帝問如東宮言否允曰臣罪應滅族不敢虛妄殿下以臣侍講日久哀臣為乞命耳實不問臣臣

無此言臣以實對不敢迷亂帝謂景穆曰直哉此亦人情所難而能臨死不移且對君以實貞臣也寧失一有罪宜宥之

資治通鑑曰臨死不易辭信也為臣不欺君忠也宜特除其罪以旌之語更明亮

允竟得免于是召浩前使人詰之惶惑不能對允事事申明皆有條理時帝怒甚敕允為詔自浩以下僮吏以上一百二十八人皆夷五族允遲疑不為頻詔催切允

乞更一見然後為詔詔引前允曰浩之所坐若更有餘
釁非臣所敢知直以犯觸罪不至死帝怒命介士執允
景穆拜請帝曰無此人忿朕當有數千口死矣浩竟族
滅餘皆身死宗欽臨刑歎曰高允其殆聖乎景穆後讓允
不同己所導之言而令帝怒允曰史籍帝王實錄今以
觀往後以知今是以言行舉動莫不備載故人君慎焉
然浩世受殊遇私欲沒其公廉愛憎蔽其直理此浩責
也至於書朝廷起動之跡言國家得失之事此史之大

體未為多違臣與浩實同其事死生義無獨殊誠荷殿下再造之慈違心苟免非臣之意景穆動容稱歎允後與人言曰我不奉東宮導旨者恐負翟黑子也景穆季年頗親近左右營立田園以收其利允諫曰殿下國之儲貳四海屬心言行舉動萬方所則而營立私田畜養雞犬乃至販酤市廛與民爭利議聲流布不可追掩夫天下者殿下之天下富有四海何求不獲而與販夫販婦競此尺寸

魏書載允言曰昔虢之亾神乃下降賜之土田卒喪其國漢之靈帝好與宮人列肆販賣私立府藏以營小利卒致顛亂前鑒如此深可畏懼

願殿下少察過言斥出佞邪親近忠良所在田園分給貧下如此則休聲日至謗議可除景穆不納景穆薨允久不進見後召見升階歔歔不能止帝流淚命允出左右莫知其故相謂曰允無何悲泣令至尊哀傷何也帝聞之召謂曰汝不知高允悲乎崔浩誅時允亦應死東

宮苦請是以得免今無東宮允見朕悲耳先是敕允集天文災異使事類相從約而可觀

魏書載允表曰臣聞箕子陳謨而洪範作宣尼述史而春秋著皆先其善惡驗以災異天人誠遠而報速如響甚可懼也自古帝王莫不尊崇其道而稽其法數以自修飾漢成時光祿大夫劉向見漢祚將危權歸外戚遂因洪範春秋災異報應者而為其傳終不聽察卒以危亡豈不哀哉今謹依洪範云云